

蘄州志卷之十四

知蘄州事嶺西封蔚祜纂修



人物志

孝友

行修於門內而譽聞於鄉黨士大夫不足竒也州人稱孝子里久矣匹夫孺子一念之誠其至性有過人者愈不得泯焉志孝友

明

劉瑄字本玉博學多聞事親至孝中正統辛酉鄉試執

蘄州志

卷十四

孝友

一

父喪盡禮仕河南教職迎母就養扁其室曰祿養士夫詩有忠孝先生兩得之之句

馮鵬字狝霄少能文百行修整學者稱獨齋先生十試於鄉不遇晚入太學祭酒湛公若水極推重之父病日侍湯藥夜露處戶外得濕疾卒子天馭舉進士爲御史贈如其官大學士徐公少湖銘其墓

壽儒字宗魯荆藩伴讀章之子成化丁未進士歷官工部主事父冬日畏寒儒每以身溫之母嘗有疾不喜食儒亦不食鄉薦後例贈坊牌工費數百金卻之不

得盡以周族屬親戚之貧者其孝且仁如此

顧濂字繼周性至孝任衛輝府經歷時二親已棄養濂額其居曰永懷國子學正林琚爲作記郡人宗誠有詩曰永懷留翰墨足繼白華詩

顧敦字化之性警敏有卓識敦睦姻族愛異母弟素喜陽明則言及宋儒詩每令人歌誦以自適以子問貴封布政司叅議

姜梅字實之世爲荆府羣牧百戶蚤孤寡甚人皆勸令承襲弗聽饘粥不給銳意於學爲郡名諸生弟死恤

新州志

卷十四

孝友

二

其孤如已子嘉靖二十二年舉鄉試卒

宋璧誠之長子任綦江縣主簿以親老謝事歸朝夕侍養惟謹親歿哀毀踰常廬墓三年

陳昇字九霄早喪父事母劉至孝每於旁舍得異味必懷以奉母以貢士任無錫縣主簿迎母就養母年八十餘矣昇奉養備至九年秩滿而母尚無恙後奉母致仕歸

羅天立蘄人傭工奉母母病割股救之入稱其地曰孝子里

李言聞字子郁號月池性至孝博洽經史里中有弟爭
兄田訟不休言聞具酒食召欲解之訟者亦來集醉
鬪如前言聞大悲痛入跪考靈牀下曰無狀不能感
閭里訟者聞之大笑後數年訟者死獄中族人瓜分
遺田言聞爲斂葬焉精於醫官太醫著有醫學八脈
註子時珍另傳參白茅堂集傳

李儒字東池生平好施與歲凶盡家貲散賑全活甚衆
家貧志不少變年四十二卒子同春得春孟春盛春
際春一時文武貴顯咸以爲德報也以子盛春誥贈

蘄州志

卷十四

孝友

三

副都御史祀鄉賢

李同春號仰池誥封都憲公長子武而能文父早喪教
諸弟成名襲職領漕運運軍折米五百餘石先自解
囊完納衆免破產追賠累歸至途聞親病篤號泣思
歸水漿不入者五晝夜忽夢河神曰吾念汝孝許隻
艘先歸可速行明午凍河矣如是者三同春曰神不
我欺遂行抵淮淮撫怒超次以神語對撫囚以觀驗
至午狂飈驟起須臾冰凍竒而釋之同春先世息縣
人念同姓在息無通籍者擇族人子若星撫而教之

十年登第後爲兵部尙書親親之誼知人之明同春有焉陞廣西都司屢建奇功擢思恩叅將乞養歸樹碑於堂曰世世同居子楷棟嗣職

李樸字質甫事親孝善屬文副憲際春長子執憲副公喪哀毀過甚及葬有術士私樸曰是日利某不利公樸叱曰某吾弟也汝欲不利某耶妹適黃梅生員瞿平年十八而寡樸爲資掖者四十八年得予坊表捐造馬口橋瘞暴骸濟貧乏義聲尤著兩中副車授廣西鹽運提舉著有存笥稿詩文祀鄉賢

孝友

蘄州志

卷十四

四

陳添順字汝愛甫六歲執父喪若成人扶柩山中雷雨驟至沙土全集成塚羣驚爲至孝所感事母及伯兄俱委曲承順足風族黨云

國朝

王廷詔諸生幼事父有孝行父歿與妻張氏侍母向盡歡吳逆亂廷詔奉向避賊於黑山洞口負米以養採橡自給值彊寇劫奪張以身蔽向連受三刃寇尋釋之向病疽穢甚張口吮無難色及向歿廷詔廬墓三載乾隆五年夫婦俱蒙

旌表

詳通志

余藩事母孝崇禎癸未遭獻賊難以母柩在堂悲號不
忍離為賊所害妻張氏年二十四夫亡守節垂六十
年乾隆九年夫婦俱蒙

旌表

詳通志

李由虞字宗舜性仁厚事父母依依孺慕少時遇相士
言子顴高指扁恐妨親未幾父喪虞乃磨其顴指至
血出不覺既葬常坐卧墓側懷棗栗果品瘞墓前悲
號竟日事孀母未嘗少離左右後居母喪如其父喪

蘄州志

卷十四

孝友

五

乾隆十年以母節子孝並蒙

旌典

詳通志

張仕秀字雲龍天性篤摯父背生癰為吮膿血母患目
疾嘗舐其翳親歿廬墓三年繪親像懸堂中坐卧不
離逢生忌日素服哭奠數十年如一日兄弟五人交
相友愛有司以聞建坊

旌表

李楨字萃甫歲貢生孟春子少以孝聞崇禎癸未獻逆
襲蘄弟樅以罵賊死楨殮之一痛幾絕康熙癸卯廬

副使修州志其軼事不傳者櫛極力搜輯志爲完書
以子本衍貴贈文林郎年七十二卒

王御龍字時可內行純備篤性孝友值明季寇難家破
承平後御龍居積節縮家復饒兩兄早世撫諸姪如
已子析箸腴產悉推予之爲人方嚴公直鄉里比之
彥方子綏猷欽猷亮猷皆以學行知名孫開泰選庶
常開運進士房山令開藩舉人官鹽大使開銓舉人
官行人開翰超儒俱諸生開畿開寅俱太學生以孫
開銓貴贈文林郎

詳通志

蘄州志

卷十四

孝友

六

熊秩字體若自號天放子州諸生事母至孝崇禎間奉
母避賊城中未幾城陷負母以走會母於旅舍以病
卒附身附棺造次皆備賊退扶櫬歸里時大旱舟膠
不得進秩仰天大慟七晝夜哭聲不止越明雨驟至
四野霑足人咸謂之孝子雨也

易爲豫字二如號臨臯州學生獻逆屠蘄豫被掠繫賊
營號泣思親水漿不入口賊長溫仲元曰此孝子也
命釋之豫歸闔門俱盡尸骸暴露拮据殯葬悉準于
禮康熙十一年蘄饑人多流亡豫捐穀四百餘石又

請於大憲發倉粟賑之保全甚眾藩憲徐公惺馳扁
褒美康熙二十九年鄉飲介賓

陳助中字右文諸生居父喪盡禮時賊寇斬助中同母
暨弟避山中母卒遺囊金甚厚弟甫四歲賊至捐金
負弟以逃後弟繼伯父嗣田園僕婢復分以已之半
李本甲字幼萌州諸生父挺母曹恭人皆以寇亂抗節
死甲事兄本晟甚謹省兄雲南藩署言先塋數失宰
木兄恚甚歸譴於僕僕辨甲亦辨本晟叱僕跪甲以
爲叱已也亦離席跪本晟掖之起且釋僕本晟卒於

蘄州志

卷十四

孝友

七

浙撫甲匍匐奔喪次哭之慟尋卒雅工小楷雖登記
不苟

顧慊字自素問曾孫專心誦讀與兄咸泰日講學不輟
後咸泰令大名縣代兄操家政課子姪以義方

張錫疇字叙九心正長子州諸生性誠懇敦行孝友與
弟錫爵析箸數十年每讌集必盡歡終其身無諍語
臨卒囑其少子曰汝第爲先人修墓置產族戚貧乏
者助其嫁娶吾願足矣後皆如其言

陳其芳字孟培力學能詩文家傳孝友常以孝友訓俗

晚乃一杖自隨庭內肅然州牧高舉鄉飲賓

張繼發字克昌諸生父尙騏明諸生家饒樂施繼發少時卽成父志置一米倉於廳右自權其出以拯老疾賊陷父死於難繼發年十二爲賊所執留養營中乘賊睡潛逃賊平復故業立古柏軒義塾以勸學慟父遇害每飯必祭年八十卒

蔡于燕字平若號水素幼穎慧喜讀書年十二父母相繼亡于燕居喪號泣之聲不絕旣葬廬墓卽墓廬讀書年十九補諸生尋食餼品誼爲士林推重

蘄州志

卷十

孝友

八

劉守忠字君愛諸生篤行孝友兄弟同爨六十年率子姪以正

陳師儁字士美諸生時值兵燹甫熄族人多苦轉輸儁獨任不爲攤派康熙癸卯歲饑捐穀數千石以周族里之貧不能贍者

王永壘字載侯號坤菴性孝友母年九十壘依依孺慕與伯兄永垣仲兄永圻愛敬彌篤以文行受知於子清端公公爲顏其堂曰孝友傳家由諸生貢成均授縣丞未仕年七十五卒

汪存濟字洪普號澤菴州諸生事繼母段以孝聞有從
兄避亂出亡濟遠訪滇南遇兄偕歸故里割已產之
半予之著有滇南錄

王欽猷字思承號敬亭積學能文以明經老季弟亮猷
早世弟婦易誓志守節欽猷以子開畿嗣之教兒子
開泰入詞垣開運開藩開銓皆登科甲子開翰超儒
另傳

張錫爵字賜侯州諸生心正次子家世孝友篤於文行
闔州公舉鄉飲賓已啟請會兄訃至辭不赴毫益嗜

蘄州志

卷十四

孝友

九

學讀書至夜分不倦築別墅顏曰尋樂與族里約立
文壇一時多宗之

陳以德號坤若州諸生事母郁氏以孝聞族推爲長講
明大宗之法建祠修譜爲族屬觀型者四十年

陳道亨字和王性至孝雖亂離中事親不缺甘旨癸未
全家載糧艘泊鴻宿洲急趨南畿得免

國初州試第一補諸生晚與友朋文酒讌飲每擊節狂歌
發其胸中蘊蓄

李生桂字涵秋州諸生偕弟生采生梅事繼母諸氏撫

幼弟生槃綜理家政內外肅如善恢諧有晉人風

黃天福字錫五歲貢生少能文尤篤行誼事親以孝聞友愛兄弟無間言族有貧乏者咸見收恤選蒲圻訓導以老辭構軒課子姪吟咏自適梓有棲鳳堂詩集湯光明字被四有孝行由期功以降至同宗罔弗親睦州稱孝友之家輒推湯氏子力忠拔貢生

胡啟相字皇錫州諸生讀書數行下晚年病目猶口授諸子姪尚書講義及家規十二則

程盛德字宏執州諸生兄弟友愛七十年不析箸理戶

蘄州志

卷十四

孝友

十

事闔族賴之

王鉞字鼎又故家子性敦孝友處家庭間和藹可親嘗傾囊以應族人臨終時貸券悉焚

陳材選字元錫以德長子州諸生父年老材選出入必侍卧起不離父歿依柩寢居爲諸弟倡孝稱益著易時用字放六州諸生性敦孝友父母病衣不解帶長兄時敏恩貢次時憲舉人奉命唯謹終歲坐書齋如處子著有一樂軒集

陳贊元字與參幼肆力於學童子試時已擅文名比長

爲州諸生累試不售入北監考授州判性孝友事兄肇元若嚴師析箸後事無鉅細胥稟命而行生平輕財好施遇人緩急輒解囊無吝素善形容家言嘗欲於溪南建巨閣以收風水暨由鄉達城石路以便行人年四十餘資志歿妻熊氏以次經營克成其志

李永慶字來譽儀表俊偉喜吟咏工舉子業銓次州佐未仕州牧華公文振郡守孫公爾振以孝友端方由薦因母病辭不赴母卒哀毀廬墓卒年六十二著有平泉詩集

蘄州志

卷十四

孝友

十一

張作梅字梁舟國學生性冲和不立崖岸然必以禮自飭或事出非分視之泊如也與兄作楫弟協占友于敦篤人無間言值歲饑輒貸佃民牛種賴以舉火者甚衆

李永芬字紫榮號慕軒州增生七歲執父喪哀毀如成人事節母金氏備極孝養母卒茹蔬三年從兄弟析箸有負債者代償之姑母適韓而寡芬貸餉數十年姑老病將死遺銀餅數枚其姑之嗣子莫知也袖還之乾隆二年舉孝廉方正

王學古字優仕由廩生貢太學老職縣丞與族兄紹尼相友愛尼卒以孤託焉學古經理其家撫孤如已子及長反其家業倍於前生平言及於赴公如修文廟及架橋治道雖傾囊不惜

龔必成字孔集好讀書入府庠明季之亂艱險倍歷侍父繼時得免於害時稱其孝

胡鍾美字汝梅幼失怙候母膳異乃食夏驅蚊冬溫被每出必告所在母歿往來墓前必呼拜至老不忘駱駝山路甚崎嶇美捐修以利行人

孝友

蘄州志

卷十四

七

陳部字爾咨諸生年十六抱四齡弟出兵火中艱苦備嘗後皆成立振家聲

何中興字繼武篤於孝友家百口共食庭無間言族人疎遠者嘗賴以舉火

王上選字銓士號松菴志博第四子穎敏強記少應童子試屢蹶遂謁國學考縣佐家居善繼父志輕財重義修廟學刊族譜諸首務皆踴躍董其成晚於室之西南隅築亭園植松署其門曰松園書宋儒格言訓子若孫四方名碩往來唱和藉以娛老家傳孝友云

陳於校字名夏號忠甫由諸生就例貢遵父贊元遺訓
事母熊氏待兩弟以孝友聞擁書據案課諸子甚嚴
每歉月平價出糶以卹鄰里母多善舉皆踴躍襄其
成年六十有八依依孺慕得老母歡

吳璘字叔璠士稟第三子早失怙事母陳氏及兩兄甚
謹年三十不續娶篤行孝義雍正五年荒出穀賑饑
嗣置本族義田歲租百石年六十三卒

高益宣字勅萬溫處道培之孫兄溥弟益鼎先後爲諸
生益宣不與家事讀書蓮池別業恂恂若處子惟祖

蘄州志

卷十四

孝友

三

訓是程

李能遴字克繁幼而孤克自成立從姪芳華失怙恃無
所倚能遴收養如子教讀成婚并予產屋生平多篤
一本之誼職吏未仕卒

駱呈情字萬吉國學生克武冢子性至孝勤于供養與
弟萬鍾萬方次愷同舉四十餘年庭無間言嘗捐四
百餘金修分路街以利行人鍾尤好施與每遇歲饑
穀必減價窮民負欠者輒焚其

鄉里稱爲一門孝

義

李山夏字莫川太學生性至孝父病嘗父糞慟幾絕及
歿廬於墓每一悲號行路心惻母夏氏病露禱求代
病尋愈平居事親出告反面飲食必躬親凡時物未
進父母不敢嘗乾隆十七年

欽旌五常碩士百行完人建坊

方有夔字以玉父汝德爲州諸生以篤行稱有夔克承
父志友愛兄弟無間言託形家術放浪山水鄉人目
之爲隱君子云

王東山字積長號魯崖弱冠喪母哀毀骨立事繼母尤

蘄州志

卷十四

孝友

古

極承順伯兄早逝僅遺一女山愛憐之三弟如暉年
未三十卒孤姪德鈺甫三齡山撫養過于己子乾隆
丙辰閩州公舉孝廉方正

李芳蘭字景明太學生考授主簿諸弟相繼歿事母孝
病篤衣不解帶者月餘待諸姪如子教育多所成就
王琮字廷瑞號靜菴康熙癸巳舉人篤孝友接物和藹
然遇非道輒義形於色鄉里莫不敬憚幼侍養於伯
父元吉事之如父飲食必奉出入必隨所志必爲曲
致終元吉之身不少變以女義課諸子姪皆成就

何樞字萬瞻太學生天性孝友收卹宗族不能嫁娶者捐金助之俾得完聚戊子饑捐困賑給復捐義田十石永資寒儒前州牧轉申藩憲旌其門第

李廷楷字範遠國子生力學能詩文敦崇實行嘖笑不苟事繼母以孝聞晚年急州中公事樂育堂忠孝祠皆捐金志於石年七十三卒

朱性字成存公安縣訓導事王母先意承志友愛弟忻教以成立壽躋百齡

陳欲璋號莊崖性謙厚有雅量篤行孝友昆季五父沒

蘄州志

卷十四

孝友

五

所遺田宅交讓之陳氏族故繁舉璋爲戶長家政肅然夙好讀書以諸生老

李永耆字依仁剛方樸實重氣誼所行必軌于正家貧力學事節母邱氏以孝聞督學宋得其試卷激賞之
賁志歿

陳法騫字二閭敦行孝友事繼母三十年無間言兩兄早世撫遺孤成立鄉人義之

李敷生字方佑一字奏巡貢生少能文尤崇信義伯父永昇卒妾葉氏與敷生母顧氏同起居凡服食禮儀

事之與母同歷四十餘年不懈

王興鑑字德操幼執父喪若成人母病鑑依依牀第母沒廬墓遂不復應試事諸兄甚恭三兄鈞無子歿家中落鑑經紀其喪割已產膳其嫂以次子世澍嗣之童心純字肇勗庠生克承父志一日父出祖父暴病心純割股以愈晚好施年荒出穀時疫施藥多所存活駱負圖字羲則博文強記過目不忘事親左右就養寢處必侍父歿依柩側三載修家譜親督其事

李大生字暎寰州諸生少事父母以孝聞值母病諸弟

蘄州志

卷十四

孝友

六

幼大生晝夜哭泣兩目盡盲禱於文昌神夜夢神語吾哀汝孝起汝母痊汝疾翌日母病愈大生日亦瘳聞者竒其事

余載廣字應煌性至孝父病危割左股煮糜食之愈未幾母病割右股和羹妻汪亦割股進弗瘳兩親繼逝廣如孺子哀塊苦三年不入內前牧王舉爲田畝官王夢穗字對書早失怙折節讀書至廢寢食善屬文期無負母教資志卒妻陳氏守節

蔡明璋字莪士州諸生性孝友父病爲父嘗糞母病割

殷叔父負債逋亡罪累瑋父幾斃獄中瑋白其冤事
盜復假乞丐訪求叔父遇于懷寧迎歸中分已產事
之如父

鄭啟達國柱子男婦百口總服同爨食無異饌家無私
蓄鄉里推爲義士

王球字琳先號淡齋郡 恩貢生四歲失怙凡事悉遵
母教兄卒遺孤一兄臨終託之球撫至成室又卒姪
孫媳守制球又撫曾姪孫始終不負兄託 以上錢志

李宗海天性篤厚同居三代凡內外大小雖睦之誼藹

蘄州志

卷十四

孝友

七

如孫華郁嘉慶戊午亞元 詳通志

蔡明謙字受益年十六失怙友諸弟默體母有愛憐季
弟意當母病葺時呼季至榻前以母所蓄金數百予
之晚與鄉飲介賓曾孫道熾確遵其舊裔孫景星中
道光甲辰舉人宜昌教授加同知銜

蕭韶號蒲溪國學生少孤母董 旌表節孝韶善事母
母厚於族戚韶備極調恤家中落僅有田七十餘畝
其從弟以債窘乞憐韶盡售其田代償之而以舌耕
自給屢躓棘闈子光序歲貢生光緡中乾隆己酉鄉

試孫曾之在庠內外者皆善屬文

楊勲號柏亭國學生與兄貢生照弟煥三建祠宇置田
保墓兼補修學宮文昌閣生平怡怡友愛終身無間
言年八十無疾卒子世瑞孫大昕大彭大椿俱諸生
袁漑號月溪少習舉子業以養父故不樂仕進援例授
貢生弟出嗣伯父漑仰承親意財產均分曾補修學
宮及文昌閣並經理書院均不惜家資以成其事子
之芬歲貢生孫曾可仕伯彥俱爲名諸生

劉之桂字蘭友諸生性至孝父襄堂官石首教諭桂終

蘄州志

卷十四

孝友

六

父喪備極哀毀與諸弟處事孀母未嘗廢離弟之棠
成進士未十年而卒桂撫姪成立子姪輩多列膠庠
孫輩亦能繩武

陳佑模號且餘歲貢生弱冠失怙撫諸弟成立三弟佑
梅館均州僧寺遇流寇害模聞訃繭足走千里覓骸
骨扶柩歸葬工舉子業制藝已入選行世子懋修庠
生孫世型杆宗俱廩生

黃載渾號清溪國學生甫十齡父老病家難并作渾盡
散資財委曲求全人咸以孝稱性樸誠有隱行嘗活

數人命秘不欲宣課督二子式瑛式瑄學成而天撫諸孫成立年八十四卒季孫體仁道光甲辰舉人陳時光號月臺父沒家赤貧以課讀自給兩弟亦窘不能供母光獨力奉養有酒食必呼兩弟共以娛母中嘉慶丁卯鄉試所得餽遺揣母意多分與弟以母憂未與挑尋卒

陳鵬枝號雲程嘉慶癸酉舉人早失怙事母孝母病危百藥不起割股醫之立愈館離家三里每夕必歸省弟卒姪無所依收撫之爲娶妻生子給產焉

新州志

卷十四

孝友

十一

顧啟環號步莊歲貢生理學日嚴六世孫博學黃公四世姪孫日巖著作燬於兵燹黃公傳書惟白茅堂文集其說字數百卷尙未刊行環父兆福欲抄寫以防散佚未成而卒及環稍長節母朱語以父志環手抄三年始竣其事屢試秋闈售而復抑者再後遂絕意功名以硯田所獲奉養其母

王柱德號一峰國學生父早卒事母至孝以兄國學生琳承運漕艘遂廢學持家節省家用捐金數千入戶濟漕族人德之子光焯孫士達學仁曾孫紹沂並姪

孫沅沅子汝嘉一門皆諸生

楊世鍾號雲林國學生幼穎異善屬文讀書碧雲笈值母氏中痰卒鍾歸痛幾絕遂杜門不出近五十年益肆力於詩古不慕榮利時吟咏自娛尤工書法善臧否人物一二言遂定其終身子大濂諸生古直方正陳統字學賜國學生孝友稱最兄病危兄子僅歲餘統撫如已子姪又卒復撫其孤其伯兄仲兄臨終均托以孤統又撫之子三登甲庠生玉晃庚子舉人孫兆桂廩生

蘄州志

卷十四

孝友

二十

陳德麟號子仁恩貢生父早喪事母孝與昆弟極友愛家庭雍睦藹如也有詩文集藏於家

查時鑑字映斗廩膳生飭廉隅工詩事母孝母病寢食俱廢及卒以哀毀得驚悸疾服闋距歲貢額例僅數月竟以是疾卒

駱孚蒼號恪齋國學生嗣父抒懇早喪母吳氏守節四十餘年孚事之惟謹乾隆十年請

旨建坊旌表生平端方不苟孫尙質庠生函廩生

陳嘉穀字佩懷善事父母得堂上歡昆季六人極友愛

仲弟卒穀以次子嗣之嗣子又卒教嗣孫俾入學食
餼所費皆穀出且分已產予之孫洙增生懋昭諸生
懋烈甲午舉人即補知縣出嗣懋森廩生

胡昌恕字致祥不茹葷事親孝母歿痛哭失明既葬廬

墓三載

張忠取父染偏枯疾五載取晝夜調護負起扶卧不離
左右五載如一後廬父墓三年亦廬母墓三年州牧
劉給有孺慕天真額

王泰安字漢光性至孝貧無妻授徒里中每日自塾歸

蘄州志

卷十四

孝友

三十一

躬爲母炊母食已始就學徒食母老衣裙皆躬親盥
濯終母之身無懈四十後入庠娶妻生四子又兩弟
遠出尋歸分筆耕以爲食喪葬盡禮年八十猶嗜學
不倦季子森諸生

駱天驥字應羲州諸生好讀書雖困頓塲屋不少輟有
松軒制藝稿事後母最孝待二兄盡弟道於子姪誼
切比兒三世同居無間言族黨皆稱之

高肇芹字鈞獻性謹慎嗜書以文行自任父至儉早逝
日侍慈幃無意進取以母命貢成均與弟斯勳斯潤

斯澤皓首窮經教子姪以嚴正翔昂翔煥翔藻相繼
列膠庠家八十餘口五世未析箸

王元長蘄州大同鄉人道光丁亥閏五月山水陡發瀕
田江湖多被漂沒孝子家赤貧父某客江夏茅屋數
間母棺在焉水驟至孝子倉猝無措大慟以身縛母
棺隨流入江浮沉三十里風雨忽反水逆行浪捲母
棺及孝子至所居沙岍止焉水即平近孝子居十里
中房屋人口皆無恙鄉人感之醵錢爲葬母棺延爲
村塾師大同巡檢邱炳申其事於權知州林君寅召

蘄州志

卷十四

孝友

三

孝子詢知習舉業以館穀養親貧不赴試時州試初
竣林君補試之贈以考資列其事於府邦人士咸賦
詩美之余亦爲之歌

守憲周凱詩序 元長是科人

王制逸邑廩生性孝友母患目疾不離床席兄弟早逝
撫姪如已子族鄰以實行公舉蒙學憲王額獎

李永庚字西有性純孝遭家中落授徒以養老父家人
雖恒饑父不知也婦湯氏亦善體庚意

張瑞木父背生癰吮膿血爲人所難

庠生田登甲增生胡藻壽踰九旬庠生胡啟錫壽九十

五國學生王煌吳紳秀吳洪杰陳法震及子學訓民
邱金鳳壽九十五余勲俱五世一堂耆賓吳柏舉壽
九十六四世同居此皆友愛之報也故不各詳其事
一類書之

胡海洲家居夙講孝友年百歲請

旌建坊並 予以昇平人瑞額及五代同堂額卒年百零三

歲李來淦壽八十八咨部

恩賜遐齡永錫額胡其俸國學生壽一百零五歲

駱如川幼讀書不得志名厠例職同胞凡七人友愛之

蘄州志

卷十四

孝友

三

篤有漢姜氏風年登大耋子其佑其任其仕俱入成
均例職孫曾元蕃衍踰百人入庠序者十餘人五代
同堂一時推爲盛事 以上十五名重見壽民

駱輔仁號友齋州庠生性最孝尋規步矩不少踰閑終
日以讀書飲酒爲樂事命子淇築書林山房延師教
讀今子孫輩入庠序數人

張仁安監生夙敦孝弟尊重師儒捐貲建祠又捐田課
拾擔以給族中生童之應試者子良簡良策俱授例
貢孫如源如濶俱入州庠

田正梧號崑山事親孝年四十猶孺慕親歿恒依柩不入內室塋則廬墓以居讀書不得志士類咸惜之存心忠厚每逢歲腊族戚貧乏樂爲解推毫無德色學憲王以額獎

柴得常性最孝父早逝撫弱弟得明得崇成立友愛至老不衰析居距里許每於塗中聚會攜手涕泣油油然不忍去子厚安隆德亦綽有父風父子皆享大壽孫曾輩入成均庠序者八人

張良彥例貢生爲人和易事親以孝稱捐田培祖又捐

蘄州志

卷十四

孝友

十四

田課拾壹石以爲本族賓興之貲學憲吳以額獎之其子如珩入國學捐貲建祠復捐田課拾伍石以助族中生童應試者

張良淮監生性至孝善承親志樂爲輸助捐田課二十石爲族中生童應試之費學憲王以額獎之

王煌監生居鄉以孝友稱學憲王有額獎

吳玠號郁章諸生事繼母孝母病衣不解帶居喪哀毀不食教諸弟成立善詩文與劉懷堂孝廉多唱和

吳萬選號晴峯太學生事父母盡孝事孀嫂盡禮仲兄

出嗣家貧歲助穀一百二十石外祖僅存一孫貧不能娶爲聘婦並置產屋子敏孫煥雯皆諸生人謂孝友之報云

王開寅號復臬國學生同堂兄弟開運開泰開銓開藩每會試之資皆取給於寅俾運得成進士泰選庶常凡有勸輸之事皆身任之不欲累及族人修學宮及書院諸務捐貲數千尤人所共見者晚年舉鄉飲介賓以上潘志

駱其權字履中篤孝友讀書務存氣節不肯苟同於俗

新州志

卷十四

孝友

五

里中以正人目之子見儒有父風孫之錯諸生

李珩號純齋廩生性嗜學與兄瑛善承孀母教怡怡友愛以清德相勵家故饒母命瑛發粟賑貧又平糴族中讀書士母命珩召致家塾親爲訓迪供膏火多列膠庠晚歲兄弟益相切磨子若孫俱諸生

管世本監生性至孝善體親心每過永福新開圓山親墓所必泣再拜不忍去教弟世德世球世錄世芳讀書出外傳親運薪米勸勉殷勤以古塘祖田六十畝爲菴義莊承先啟後刊有碑記

王遂中字道理監生性孝友忠厚傳家宗族咸敬服之
子鵬翔貢生祥瑞文炳國學生事親罔不盡禮年五
十餘依依孺慕得老母歡至於急公好義猶其餘事
管適中布衣士人品端正尤敦孝友子籥監生恒三學
昌亦綽有父風課子弟以力學敦品爲要於公務雖
傾囊不惜
何煜監生性淡泊好讀書事父配蒼母舒氏愛敬敦篤
與弟孔惠小峯式好無尤子烜列上庠克承父志族
鄰咸重之

管宜託以篤行稱子庠生成武克承父志友愛兄弟無
間言課子姪以力行敦品爲先務值歉歲減價平糶
族人貧者咸賴以舉火

查繼達號斐然監生性孝友家貲頗裕歉歲族中多賴
之至於急公好義尤爲里中所稱述

方梁材號柱廷拔貢生前補崇陽縣訓導能文章善交
遊許魚泉學使延請教讀制軍林公少穆撫軍蔣公
謙皆有題贈生平最敦友愛與兄共姜被數十年無
少間其子樸初廩生以崇陽軍功賜八品職銜

郝有仁字京安父早喪事母色養兼至母年九十依依孺慕未嘗一日離尤好義鉅錫潭爲崇大出入門戶下臨深淵而路惟一綫崎嶇險峻京捐修平之張家涼亭河狹而水疾來往不通倡建石橋費約千金至今稱康莊其他饑食寒衣遇比閭族黨親戚故舊死喪患難加意助之鄉里稱善人云

蔡恒山號荻灘積學能文事節母盧至孝兄故撫姪成立知州曾以孝友克敦額獎舉耆賓姪及望子及堂及選孫萬秋萬錄萬忠繼承先志及選另傳以上潘志

蘄州志

卷之十四

孝友

二十七

張承沛號紹先諸生事父母以孝稱明末兄前被擄流轉河南訪聞迎歸與共產業終身敬禮不衰著有尙義傳

張效瑛號仲睿事親孝尤篤手足誼兄嫂歿遺孤二皆穉瑛撫如己出時獻逆屠斬携之千里外七載事定始歸躬親教養其妻廖亦賢克承瑛志俾二子皆成立云

管生少失怙性篤厚侍母疾不憚勞悴從弟定甲早逝烜事叔母如母厚待兩弟媳以成其節撫

姪如子五世同居孫翔鸞廩生叶鸞增生

陳信廣號平泉廩生孝友性成父年老廣館於外時歸省不少衰處兄弟間財物弗計怡怡然老而彌篤四子挺易諸生有父風館中或餉肉必歸以遺母其兄三辰知河南唐縣卒於任易竭力扶櫬旋里尤好施與族有老嫗無依者月給米肉他多類是

陳信芝號珍山積學未售父懋績司鐸漢陽府芝侍養朝夕無少離後續告歸年八十八卒喪葬篋不盡禮友愛昆弟視諸姪厚於己子宗族鄉黨皆稱焉子四

蘄州志

卷之十四

孝友

二八

長光斗季光奎俱增生孫世祥諸生

吳景曙號賜谷好學能文不遇援例入成均事親以孝聞父歿後事母先意承志尤以爲難待諸兄亦友恭備至焉

貢慎齋篤於孝友母病劇禱於庭誓以身代及歿後遇忌日必拜泣如孺子然數十年如一日

郝敦厚性至孝父客死秦中嘗以不能歸葬故土爲恨道光壬寅徒步走三千里外舁歸父骸埒葬先人墓側子金蘭貢生孫致郡廩生

貢昌文號積中篤於事親親歿猶思慕不衰歲時致祭必豐潔盡禮鄉里咸推重之

黃大綸號雲山性孝友同父五人綸爲嫡嗣其四皆庶出也綸處弟兄恭而和故四人亦愛敬之晚年羣議析箸綸不得已田產自取其薄者母年老病篤湯藥必親嘗衣污垢躬自洗滌如是者十餘年及歿哀毀骨立喪葬如禮子煥若庠生金榜增生孫雲鵠進士四川建昌兵備道

余松齡優庠生性誠篤自甘藜藿事親必進旨甘母患

蘄州志

卷之十四

孝友

二九

痰疾臥牀褥不能嘔松以口接之家不中資與弟長齡皆以館穀爲生計每節序歸弟後至松則倚間盼望學政王給以譽洽鄉評額子石炳增生孫步程諸生

吳楚材諸生性至孝以母老病恐代養者不能得歡心爲設榻母床下幾二十載乾隆間捐錢倡首建聚英莊州人士以任事無欺呈請學憲王獎以行爲民望額

龔朝幹號東藩太學生儒士明杰嗣子性至孝母有足

疾飲食起居皆親奉不假姬婢手母病劇親嘗湯藥衣不解帶者累旬後侍父病亦如之子本乾太學生陳本升號方岳同治甲子恩賜舉人性至孝父母相繼失明升事之不遺餘力年臻耆艾孺慕不少衰弟炳甲任恩施教諭卒於官居常念及未嘗不泣下云陳瀛例貢生性友愛痛兄早逝事嫂如兄娶胡氏有娠指腹示嫂曰男也卽以繼嫂已而果然後十年無出無悔色又數年復舉二子人以爲盛德所致云子芸諸生春甲郡廩生

蘄州志

卷之十四

孝友

三十

陳應泰號普田府經歷銜父早卒事母極孝尤篤手足誼其子位殷補弟子員泰聞報涕泣曰惜吾弟不及見也時季弟曉桐以不利有司鬱鬱資志歿十有二年矣舅氏某貧無所得食又病癩人不敢近泰迎養三十年卒喪葬如禮戚黨賢之

胡芳瀛號巨卿性嚴正家貧好學竭力奉親事兩昆拊背詢饑有康侯風範猶子寡生計時周恤之晚年習岐黃術以濟人鄉里稱善子兆元增貢生

朱鴻烈號宗祥太學生幼孤事母田曲盡孝敬其先代

荆藩諸陵墓悉在蘄廣嘉慶間多被土人侵害烈泣
訴各憲禁止之陵墓得保

周大訓號春臺州同銜性孝友親命捐祀田減穀價憐
慨從之不敢違兄廩生大武早逝所遺琴書故物愛
護之如兄在然延師課弟讀晉按必以禮弟春江效
濂皆成諸生年老而雍睦如初咸豐九年學政俞以
孝友可風額獎

蔡世元號占熬樸實少文善事父母乾隆五十年歲饑
元自採蔬充食負米養親與弟世關世功友愛以勤

蘄州志

卷之十四

孝友

三一

儉爲務家漸豐益培植根本修祠建塾延師課讀終
身不忍析箸子二長景雲太學生以殉難襲雲騎尉
次際發有父風孫紹傑諸生

龔啟憲號裕齋郡諸生積學能文事親至孝宅東築石
雪堂讀書其中足不履城市惟奉甘旨以養親焉

江開泰號平階太學生母氏丁早逝繼母何泰奉事維
謹年六十猶膝下作孩童狀母病便溺汚衣躬親澣
濯不假手奴婢病篤醫藥罔效泰情迫取糞嘗之母
病旋愈昆季二伯兄謝世與姪同居食指數十無間

言學師以孝友端方詳舉學政王獎以譽洽鄉評額
張忠取號悅吾諸生性至孝事父仁安母氏蕭克盡子
道人無間言二親歿均廬墓三年其地叢林鬱勃毒
蟲駭獸出沒無常悅吾處之晏如迄今稱爲悅吾林
陳重溢年十九時府試名得首選適院試前一日家書
至云母病篤溢星夜馳歸得一面後廬墓三年服闋
遂棄舉子業專精岐黃以醫人疾苦爲事不計謝金
今其曾孫鵬暨鯉皆遊庠

陳之原字逢之號達天諸生父本中六十始舉於鄉時
家中落原甘旨必具未嘗少拂入必侍立每夕必伺
父寢始就宿自少至壯率以爲常年四十七卒

陳鳳藻諸生四歲失怙母田氏多疾每疾發藻泣廢寢
食母愈始安長就傅晨夕必歸省署所著集曰陔餘
草取笙詩南陔之意年甫三十卒子雲瑞廩生克承
孝友嘗避粵寇負母行數里賊至義之竟獲免孫策
廩生

鄧瀛莖號鶴亭太學生內行純備事親以孝聞與兄瀛
洲極友愛兄有伯道憂以子儒嗣之見族弟姪貧難

娶爲置產完室遂各有後祖山無墓表者多爲立石
他若修譜建祠及義學諸善舉必捐資玉成鄉邑至
今猶稱之子守儒翔鶴俱國學生繁發由武生官遊
擊叅將銜署中都守儀增生孫忠恒武生道生守備
銜學俊從九品

楊衢興號玉門諸生登純篤侍父母疾親奉湯藥衣不
解帶居喪哀毀盡禮族黨稱其賢

方承教字願安太學生幼失怙事母曲盡孝敬戚豐丁
巳年髮逆入境家人奔竄母年近八旬不能行願安

蘄州志

卷之十四

孝友

三三

於黑夜負入山十餘里觸石足裂血涔涔下不覺也
賊中有被擄逃歸者願安遵母命道中爲粥食之里
人咸稱其義

吳春藻號次蘋歲貢生事大父與嗣父孝敬肫篤嗣父
後生一子友愛如一體生平飲人以和爲學沉酣講
義教人尤有方

宋隆杰號遂豪父昌筮諸生積學善醫有德量晚得邊
枯疾起居杰負以行偕婦汪供奉寢食數年如一日
堂兄諸生斯信養其父至八旬餘飲食不復問諸弟宋

門內融融洩洩俱以高堂健飯爲樂惟恐稍有拂意
至於就衰族有太學裕彬者事祖姑姜惟謹避難入
山寨上下亦負之行嫗謂人曰吾非此孫及孫婦無
以終餘年其爲順孫蓋如此

宋錫齡字承烈太學生性豪爽析箸時產業聽兄自擇
且以六與兄而已得其四居鄉善排解或立決數言
或具酒公評事寢乃已士論推之

姜效曾號小書府知事銜性敦厚事親惟謹二親俱逾
九旬卒廬墓三年邑好溺女嘗請邑侯曉諭捐貲印

蘄州志

卷之十四

孝友

三四

數百紙分送俗爲之變

汪森太學生與兄申友愛甚篤申子四森子一晚年析
箸申剖田產之半與森森曰兄食指繁弟獨子耳惡
可等齊乃計子口數五分之森取一焉子家瑞州庠
生

梅紹先天性篤厚少時卽曉色養旣壯值父病劇先焚
香夜禱求以身代詰旦赴橫岡山廟炷香畢墜於山
後之舍身崖崖極峭劣一落千丈僧覺覓之至崖下
見先安坐無恙詢其狀初不自知告其家昇歸父病

少間及父歿廬墓三年道光二十年學憲王額獎
張元度字汝器事嗣母孝家貧竭力供甘旨晨昏定省
五十年無間兄辟債出度負粟往遺旋售產代償迎
以歸

朱萬彩生子六孝友傳家內外百餘口六世同居不析
箸一門中人無私財食無異饌其長子習深承父志
督率家政友愛尤篤族里咸以孝義稱之

方永柏太學生性友愛二弟皆早卒撫姪如子賴以成
立析產時舉饒沃悉歸姪里人賢之晚始得子及歿

蘄州志

卷之十四

孝友

三五

子尙幼姪經理其家如柏昔之所以待姪者

裴炳燮字心鑑諸生性孝友家貧與兄士璧析箸數年
後壁遷陝炳家漸小康置產百餘畝遺僕尋壁歸里
以私置產分與之

裴晉號午橋諸生孝友性成父見背後授徒鄉里逢朔
望必歸省母母言笑如常輒歡欣去否則涕泣不已
家人自是無敢忤母意又嘗仿功過格彙孝弟事數
十條日取其所行者證之

胡念祖字金華從九品銜早孤友愛諸弟母寢疾躬侍

湯藥七載無懈意持家政四十餘年內外雍睦人無間言卒年六十五

陳瑤號琴珊諸生性至孝咸豐辛酉賊擾蘄瑤奉母避山中被執請別母而行賊許之因詭告母曰是與兒有舊從去數日當復歸言動一如平時賊廉得其實釋之人以爲孝感云

曾會章農家子天性至孝貧無偶躬潔羞膳以奉母馮或自啖野菜而甘旨無缺耕樵必早歸雖有故不外宿其侍疾也溺器垢衣滌務淨嘔痰則以手承之母

蘄州志

卷之十四

孝友

三十六

卒水漿不入口者四日既葬廬墓三年不食鹽酪知州黃以純孝性成額獎後入天竺山不知所終

王燮號吹伯例貢生齟齬失侍事繼母以孝聞昆季四析箸後仲氏家中落燮出己產復與合爨其友愛有如此子三長祖植甲子舉人次佐入泮後尋卒次君慎候選衛千總早卒

文發紈農家子有至性力作爲生每得傭值必市甘旨以奉母如是者十餘載及母歿哀泣幾至喪明時稱其孝

張本利字金萬性質樸事父母極孝父歿廬墓三年母歿亦如之學使王以庸行可風額獎子彤廷以孝友聞駱學修號敬可增生性端慤善事父母撫從弟愛逾同胞晚年嗜善益篤人無賢不肖望風心折至今稱之李方賡號劬夫廩生有至性自少侍父讀書里塾無違教兩昆食指繁雖析箸猶分館穀給之並精性理及岐黃之學

胡培源號小坡廩生好學能文尤敦內行昆季七源以長爲伯父嗣事父母及本生父母均得歡心後因食

新州志

卷之十四

孝友

三七

指繁議析箸父三分其產以一與源源請曰諸弟其得其二不足餬口請入分之各與以一兒得其二則姪輩可以自給而嗣續之分亦明矣父笑允之其肫篤多類此

李星坊號東壁增生工文詞善書畫天性肫摯父蚤喪事母維謹出入必告母怒跪以受責終身不渝咸豐辛酉多忠勇公以宗賓薦欲辟之母不忍別乃止後母歿六日不飲水漿哭幾斃尋卒子焱龍諸生

王世汜號柑亭諸生事親孝謹與兄世澍弟世濂世準

世瀛讀書語山書屋怡怡一堂時有五桂之譽陳虞
部詩題有槐園壘篋遺照贊

王君巒號傲菊性孝友弟貧分舌耕以濟仍不給乃合
爨生平嚴正自持人見憚之

蔡兆元號錫之諸生性孝友居祖母喪數日不食侍母
病衣不解帶者數十日弟兆廉病疽元爲吮之廉尋
卒元哭之昏迷光緒九年蒙

旌表其弟兆藩亦以孝友聞

朱 舫號月帆增生有至性少喪母終日號泣寢食俱

蘄州志

卷之十四

孝友

三十六

廢事父先意承志待季弟教養兼施期於成立年三
十一卒族里哀之光緒九年 旌

董 榮從九銜性純厚事親以孝聞父歿母病藥餌必
手治夜輒數起母年垂九十卒哀泣如孺子同里孝
廉何明爲之傳子永時孫鑾鵬廩生

龔必璐號玉岩太學生幼失怙承慈母教敦品勵學與
弟諸生輔英友愛尤篤及身未嘗析箸後精歧黃術
以方藥活人不可枚舉孫曾列膠庠者十餘人

李元香字馨山少孤家貧傭販以供菽水務悅母意凡

事必稟於母乃敢行母卒哀毀骨立姊適王聖元數年而寡香爲資掖者卅餘年姊歿殯葬如禮

裴炳輝太學生性純謹事親孝親歿每過墓所涕泣不已鄉黨皆以孝稱子清輔武進士

割股附

吳德高 母病割股

陳毓芝 父病割股

陳良吉 母病割股

陳毓蘭 母病割股

詹效勤 父病割股

張鴻翥 母病割股

周道義 母病割股

李人佃 母病亦割股

蘄州志

卷十四

孝友

三十九

葉本貞 母病割股

陳忠順 母病割股

丁榮壽 母病割

黃安雅從九銜父早卒廬墓三載侍母疾不解衣帶兄弟六雅待之極友愛內外百餘人同居五世